

Վարչական տույժ նշանակելու մասին

«30» օգոստոսի 2021թ

ք. Սիսիան

Ես՝ ՀՀ ՊԵԿ Հարավային մաքսատուն-վարչության պետ Հայկ Միրզոյանս, ուսումնասիրելով «Քասթըմա բրոքեր սերվիս» ՍՊԸ-ի մաքսային միջնորդ Արթուր Արտյոմի Վարդանյանի (ք.Երևան, Շենգավիթ, Մարկվարտի փողոց 88, նույն.քարտ՝ 010684660) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

«Քասթըմա բրոքեր սերվիս» ՍՊԸ-ի մաքսային միջնորդ Արթուր Արտյոմի Վարդանյանը 03.08.2021 թվականին «Էննաէէներգո» ՍՊԸ-ին պատկանող բեռի համար թիվ 05100040/030821/0002631 ապրանքների հայտարարագիրը լրացնելիս 31-րդ սյունակում 1-ին և 2-րդ ապրանքների բեռնատեղերի քանակը նշվել է 53 արկղ և 57 արկղ, սակայն համաձայն բեռն ուղեկցող փաթեթավորման թերթիկի ապրանքների բեռնատեղերի քանակները երկուսական արկղեր են: Ոչ ճշգրիտ տեղեկատվությունը ներկայացնելու արդյունքում մաքսային վճարներ չեն առաջացել:

Նշված փաստերի առթիվ ՀՀ ՊԵԿ ՀՄՎ ՄԳ բաժնի պետի Ժ/պ-ի կողմից 04.08.2021 թվականին հարուցվել է մաքսային կանոնների խախտման վերաբերյալ վարույթ՝ ՀՀ մաքսային օրենսգրքի 203-րդ հոդվածի հատկանիշներով, այն է՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվամբ հայտարարագրելը կամ **հայտարարագրման ժամանակ ոչ ճշգրիտ** տեղեկություններ նշելը:

Արթուր Արտյոմի Վարդանյանը փոստով պատշաճ ծանուցվել է գործի քննության օրվա, վայրի և ժամի մասին, սակայն գործի քննությանը չի ներկայացել, գրավոր դիրքորոշում կամ բացատրություն չի ներկայացրել:

ԵՏՄ հանձնաժողովի 20.05.2010 թվականի № 257 որոշման համաձայն՝ 31-րդ սյունակում նշվում է հայտարարագրվող ապրանքների նկարագրությունը, մականշումը և քանակը, բեռնարկղերի համարները, քանակը և առանձնահատկությունները, որոնք անհրաժեշտ են մաքսային եւ այլ վճարների հաշվարկման եւ գանձման համար, որոնց գանձումը վերապահված է մաքսային մարմիններին, արգելքների ու սահմանափակումների կիրառումն ապահովելու, մաքսային մարմինների կողմից մտավոր սեփականության օբյեկտների նկատմամբ իրավունքների պաշտպանությանն ուղղված միջոցներ ընդունելու, նույնականացման, ըստ ԵԱՏՄ ԱՏԳ ԱԱ-ի դասակարգման մեկ տասանիշ ծածկագրին դասելու համար, ինչպես նաեւ բեռնատեղիների մասին (Եվրասիական տնտեսական հանձնաժողովի կոլեգիայի 2015 թվականի ապրիլի 27-ի թիվ 38 որոշման խմբագրությամբ):

Օրենսգրքի 405-րդ հոդվածի 1-ին մասի 6-րդ կետի համաձայն՝ մաքսային ներկայացուցիչը պարտավոր է կատարել Եվրասիական Տնտեսական Միության Մաքսային օրենսգրքով սահմանված և /կամ/ անդամ պետությունների՝ մաքսային կարգավորման վերաբերյալ օրենսդրությամբ սահմանվող պարտականությունները:

ՀՀ մաքսային օրենսգրքի 189-րդ հոդվածի համաձայն՝ մաքսային խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային

ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

Վարչական վարույթի նյութերի ուսումնասիրությունից պարզվում է, որ թիվ 05100040/030821/0002631 ապրանքների հայտարարագրի 31-րդ սյունակում 1-ին և 2-րդ ապրանքների բեռնատեղերի քանակը ներկայացվել է ոչ ճշգրիտ, որն էլ հանգեցրել է ՀՀ մաքսային օրենսգրքի 203-րդ հոդվածի 1-ին մասով սահմանված մաքսային կանոնների խախտման: Ընդ որում, կատարված իրավախախտման կատարվածի արդյունքում չափով մաքսային վճարների գծով պարտավորություն չի առաջացել:

Ելնելով վերոգրյալից և ղեկավարվելով ՀՀ մաքսային օրենսգրքի 203-րդ, 206-րդ, 221-րդ հոդվածի 1-ին կետի ա) ենթակետով և ՀՀ վարչական իրավախախտումների վերաբերյալ օրենսգրքի 32-րդ ու 234-րդ հոդվածներով,

Ո Ր Ո Շ Ե Ց Ի


1. Արթուր Արտյոմի Վարդանյանին ՀՀ մաքսային օրենսգրքի 203-րդ հոդվածի 1-ին մասով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **50000 ՀՀ դրամ**:

2. Որոշման մասին հայտնել Արթուր Արտյոմի Վարդանյանին:

3. ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ մաքսային օրենսգրքի 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) որոշումը կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված փուլանքի վճարման հաշվեհամարն է. **900005024055' 50000 ՀՀ դրամ, նշել 30 կողը.**

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ



ՀԱՅԿ ՄԻՐԶՈՅԱՆ